



Sudnji dan neće nastupiti dok Sunce ne izađe sa zapada. Kad izađe i ljudi ga ugledaju svi će povjerovati

Od Ebu Hurejre, radijallahu anhu, se prenosi da je Allahov Poslanik, sallallahu 'alejhi ve sellem, kazao: "Sudnji dan neće nastupiti dok Sunce ne izađe sa zapada. Kad izađe i ljudi ga ugledaju svi će povjerovati. To će biti: 'Onoga dana kada neki predznaci od Gospodara tvoga dođu nijednom čovjeku neće koristiti to što će tada vjerovati, ako prije nije vjerovao, ili ako nije kao vjernik kakvo dobro uradio.' (El-En'am, 158) Sudnji dan će nastupiti, a dva čovjeka su prostrli odjeću kako bi obavili kupoprodaju. Međutim, neće stići to obaviti niti će uspjeti ponovno uzeti odjeću. Sudnji dan će nastupiti, a čovjek će krenuti sa devinim mlijekom i neće ga stići popiti. Sudnji dan će nastupiti, a čovjek će pristupiti vrelu i neće se stići napiti vode. Sudnji dan će nastupiti, a neko od vas će podići zalogaj hrane i približiti ga ustima, ali neće stići da ga pojede."

[صحيح] [متفق عليه]

Allahov Poslanik, sallallahu 'alejhi ve sellem, nas obavještava da je jedan od velikih predznaka Sudnjeg dana izlazak Sunca sa zapada, a ne sa istoka. Kada to ljudi vide, svi će povjerovati. Tada nevjerniku neće koristiti ako povjeruje, a ni dobro djelo, niti pokajanje. Nakon toga, Poslanik nam je skrenuo pažnju da će Sudnji dan nastupiti iznenadno. Naime, kada on nastupi, ljudi će biti zauzeti svojim svakodnevnim aktivnostima. Sudnji dan će nastupiti, a kupac i prodavač su prostrli odjeću. No, neće stići kupoprodaju obaviti niti će uspjeti ponovno uzeti odjeću. Sudnji dan će nastupiti, a neki čovjek je uzeo devino mlijeko i neće ga stići popiti. Sudnji dan će nastupiti, a čovjek će biti zauzet oko vrela i neće se stići napiti vode. Sudnji dan će nastupiti, a čovjek će podići zalogaj hrane i približiti ga ustima, ali neće stići da ga pojede.

<https://sunnah.global/hadeeth/bs/show/65026>

